



Inatsisartunut ilaasortaq,
Sofia Geisler, Inuit Ataqtigiit
/Maani

**Greenland Minerals A/S aamma Kuannersuarni suliassaq pillugit § 37
naapertorlugu apeqquteqaammut nr. 2019/97-imut akissut 25.02.2019**

Suliap nr. 2015 - 441
Ulloq: 25/02/19

Asasara Sofia Geisler.

Postboks 930
3900 Nuuk
Tlf. (+299) 34 68 00
E-mail: asn@nanoq.gl
www.govmin.gl

Inatsisartut Suleriaasianni § 37 naapertorlugu, Naalakkersuisunut apeqqutit matuma kingulianiittut saqqummiuppatit, taakkualu matumuuna akissuteqarfigineqarput.

- 1. Aatsitassat qaqutigoortut, taakkununga ilaallutik qinngornernik uloriarnartunik akullit uran aamma thorium, Kuannersuarniit piarneqarnissaannut akuersissutinik aalajangiinernilluunniit suliaqartoqanngitsoq Aatsitassanut Suliffeqarnermullu Naalakkersuisup Erik Jensenip Narsarmi innuttaasunik 26. Januar 2019 ataatsimiisitsinermini oqaaserisai eqqorpat?**

Akissut:

Naalakkersuisut kuannersuarni piiaanissamut qinnuteqaammik suli tigusaqarnikuunngillat, taamaattumik tigusaqartoqartinnagu aaliangiussisoqarsinnaanngilaq.

- 2. Narsap eqqaani Kuannersuarni aatsitassanik qaqutigoortunik, taakku ilagalugit qinngornernik ulorianartunik akullit uran aamma thorium, piiannissap piariigajalerneranik Qaqortumi innuttaasunik 28. Januar 2019 ataatsimiisitsinermini Naalakkersuisut Siulittaasuata oqaasii eqqorpat?**

Akissut:

Akissuteqaammut atugassanik Naalakkersuisut Siulittaasuata Naalakkersuisoqarfianit oqaaseqaatinik piniartoqarpoq. Naalakkersuisut Siulittaasuata Naalakkersuisoqarfia paasissutissiivoq Naalakkersuisut Siulittaasuata apeqqummi allassimasutut oqaaseqarsimanerarneqarnini ilisarisinnaanngikkaa.

3. Apeqquut 2 angerneqarpat: Naalakkersuisut Siulittaasuata piariigajalerneragai pilersaarutit piareernissaminnut qanoq qanitsigippat?

Akissut:

Apeqquummut 2-imut akissut takuuk.

4. Inuussutissarsiutinik siuarsaanissamut tunngatillugu nittarsaassinissamut qanittumi Canadami ingerlanneqartussamut Australiamiut-Kinamiut pigisaata Greenland Minerals & Energy A/S-ip nittarsaassinerup saniatigut ingerlanneqartussamut ataatsimeersuarnermut Greenland Today-imut peqataaqqullugu Naalakkersuisunit qaaqquneqarsimanera eqqorpa?

Akissut:

Aatsitassarsiorluni misissuinermut piiaanermullu ingerlatseqatigiiffiit kikkulluunniit attuumassuteqartut soqutigisaqartullu suliassaminni killiffimminnik saqqummiussinissamut aggersarneqartarnerat, ukiorpassuit ingerlaneranni Naalakkersuisuni suleriaaserineqartarpoq, soorlu aamma siorna taamak iliortoqartoq.

5. Apeqquut 4 angerneqarpat: GME A/S saqqummiinissamini eqqartugassaa tassaava aatsitassat qaqutigooortut Killavaat Alannguanniittut imaluunniit Kuannersuarmituttut?

Akissut:

Ingerlatseqatigiiffiit suut saqqummiunniarneraat killilersorneq ajorparput, nammineerlutik suut saqqummiunniarnerlugit aaliangertarpaat.

Inussiarnersumik inuulluaqqusillunga



Erik Jensen